



Rameaux et Passion de Notre Seigneur 2026  
Paroisse St Gérard - Matadi

Bampangi ya munu,

Bubu yayi beto kena kukembela mambu zole:

Ya ntete kele diambu ya kiese: Yezo me kota na mbanza Yerusalem, mbanza ya yandi mosi. Kiese ya n'kangu pe n'kinzi mutindu bame yamba yandi: mandalala na maboko, bilele na n'toto bisika yina yandi vuandaka lutila. Samu na Bapostolo ya vuandaka pe kiese ya kukubama samuna kukembela n'kinzi ya Paki <sup>mutindu</sup> ~~bonso~~ ba Yudeo vuandaka ku kekembela yawu. Yawu yina betu ke tubaka : lumingu ya mandalala (dimanche des rameaux). Mandalala yina ikele kumonisa kiese.

Diambu ya zole kele ya mpasi : kaka kuna na Yeruzalemi bake kanga Mvuluzi na beto Yezo Kristo, bake fundisa yandi, bake zuba yandi, bake koma yandi na dikuluzu, yandi ke kufwa. Nkotolo na Yeruzalemi ikele mpe nkotolo na nzila ya mpasi. Yawu yina betu ke tubaka diaka : lumingu ya mpasi (dimanche de la Passion).

Na Bible, Yerusalem ikele mbaza<sup>m</sup> yina me zaba kuyamba bantu, samu n'kangu kena kuboka : “Yandi sambuka yina kena kuiza na nkumbu ya Mfumu” (Mt 21, 9). Kasi, Yezusalem kele mpe mbaza<sup>t</sup>

*Aibwala yina zabaka kuyamba, kukembela, kupesa kiese.*

yina keyinaka mpe kekufwaka banguza : Mutindu tubaka Yezo :  
*« Yerusaleme, Yerusaleme, nge kekufwaka bangunza mpe ke  
 bulaka mabanga bayina metindua nange. Mu zolaka kukutikisa  
 beno bonso nsusu ke kutikisaka bana na yandi, kasi nge zolaka ve »*  
 (Mt 23, 37). Mbanza yina ke kembela yandi, yawu yina pe ke yina  
 yandi.

Diambu yayi ke monanaka pe na luzingu ya batu mingi :  
 bame yamba nge na kiese, kasi na manima bameyina nge na bantu  
 yina kaka yambaka nge. Ba kena kumonisila nge neti ya kieleka  
 bamezola nge, kasi nakati ya ba n'tima, bake zolaka nge ve. Ba ke  
 tuba bampova ya mbote na ntuala ya nge, kasi na manima ya nge  
 bakebimisa bampova ya yimbi. Nge me tula kivuvu na muntu samu  
 yandi ikele camarade na nge, ami na nge, yandi me zaba ba secret  
 na nge, benu ke sekaka, benu ke kudiaka, kunuaka kisika mosi...  
 kasi na manima yandi ikele mbeni, yandi ikele traitre, ban'tima  
 zole. Yina kele diambu me luta imbi, yina i kele hypocrisie, vilu-  
 vilu, disu kungsi a lukaya.

Bakristo bana ya Nzambi,

*Yengeee!*

*Nzolaaa!*

*Nzolaaa!*

*Kieseee!*

Yezo kena kulongisa beto nsasa ya bampasi. Yandi salaka ata  
 yimbi mosi ve, kaka mambu ya mbote, kasi ba me vunina yandi  
 mambu ya luvunu. Yandi vuandaka kusadisa bantu na kuvilula  
 ba n'tima, kasi bantu me tubila yandi mambu ya ntima ya imbi.  
 Yandi belusaka bambevo, kasi ba me bula yandi ba fimbu. Yandi

dikilaka n'kangu, kasi ba me pesa yandi malavu ya imbi na kuruz<sup>e</sup>a.  
Yandi futumunaka bantu, kasi ba me kufwa yandi.

Pilate kutu tubaka: « *Mumona ve diambu ya yimbi samuna kufwa mutu yayi* » (Jn 18,38). Mpe na ntangu bakomaka Yezo na dikuluzu, soldat (dikesa) mosi tubaka: « *Muntu yayi kele muntu ya lunungu* » (Mt 27, 54). Kasi Yezo tulaka kivuvu na **Tataaa... Nzambi**. Na kati kati ya mpasi Yandi kutubaka ti: « *Tata.....bika luzolo ya nge salama* » (Mt 26-, 39) *na maboko ya nge meyekola muela ya munu* » (Lc 23, 46).

Na luzingu na beto ya ke vuandaka ntangu yan'kaka mutindu yina: ngeye ikele na kusala mambote, kansi bantu kena kuvutudila nge mambu ya imbi; nge ke tubaka na nge ve, kansi bantu kena kutuba ooohhh yandi tubaka, kuvunina nge mambu. Na yawu na ntuala ya mambu yina ya mpasi, ngeye tatamana kaka na Tataaa... Nzambi. Bampasi na nge, bampasi yina bantu ke na kusosila nga, nionso yina yekola yawu, tula yawu na na maboko ya Tataaa... Nzambi. Samu Mfumu na beto Yezo Kristu tubaka : Benu kuiza ba munu, benu kuiza benu ikele na bampasi, na maniongo, munu ke sadisa beno.

Bampangi ya munu, bampasi yan'kaka beto kemonaka na luzingu kele samuna ba n'tima ngolo ya batu. Kana muntu kele na n'tima ya yimbi, yandi kemonisa baninga na yandi mpasi. Yau yina nsungi yayi ya Carême kena kulomba na konso muntu na kuvilula n'tima na yandi.

Na lutangu ya ntete, nguza<sup>m</sup> Isaïe metuba samuna Yezo : « *Mutulaka mpaka ve, mutinaka ve, mupesaka mukongoni ya munu nabayina vuandaka bula munu, mupesaka mabundi ya munu na bayina vuandaka vuza munu mandevo. Musuekaka yilungi ya munu ve na bayina vuandaka finga munu mpe kulozila munu mete... Nionso yina ikele kuani mpamba samu me tula kivuvu na muna na Tata Nzambi. Yandi me kumisa ilungi na munu neti dibanga, samu mu kubua ve na mambu ya imbi na bawu.*

Na kisika bakominaka Yezo vuanda ndambu na ndambu bimpumbulu zole: mosi vuesaka Yezo. Kimpumbulu yina yandi sambilaka ve, kansi kuvweza. Kimpumbulu yan'kak tambikaka mpasi na yandi na Yezo, na kutuba ti: « *Bambukila munu n'tima na ntangu nge kevuanda na Kimfumu ya mazulu* ». (Lc 23,43). Yezo tubaka na yandi : na nkokila yayi ngeke vuanda na munu na Paradiso.

Mfumu Yezo bambukila munu n'tima. Bika Mfumu bambukila beto n'tima na ba ntangu ya mpasi na luzingu yayi. Bika Mfumu bambukila ngeye n'tima... na kimbevo na nge; na mpasi nge ikele na kumona; na kisalu ngeye ikele na kusosa; na mbongo yina ngeye ikele na kusosa na mutoki na ngeye;

Bika Mfumu bambukila ngeye n'tima samu nge mona kiese na luzingu ya ngeye.

Yina ikele na makutu na kuwaaaaa... Yandi kuwaaa

Yina ikele na ntima ya kulundaaa... Yandi lundu

Yina ikele na ngolo ya kusadilaaa... Yandi sadila